

5
DISSERTATIO MEDICA

INAUGURALIS,

DE

CUPRO,

QUAM,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,

ACADEMIAE EDINBURGENAE PRAEFECTI,

NEC NON

Amplissimi SENATUS ACADEMICI consensu.

Et nobilissimae FACULTATIS MEDICAE decreto,

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS,

ERUDITORUM EXAMINI SUBJICIT

BALFOUR RUSSELL, SCOTO-BRITANNUS.

Ad diem 16 Maii, hora locoque solitis.

EDINBURGI:

Apud HAMILTON, BALFOUR, & NEILL,

ACADEMIAE TYPOGRAPHOS.

M,DCC,LIX.

Digitized by the Internet Archive
in 2019 with funding from
Wellcome Library

<https://archive.org/details/b3078573x>

VIRO EXIMIO

GULIELMO CULLEN,

COLLEGII MEDICORUM REGII

SOCIO DIGNISSIMO,

MEDICINAE ET CHEMIAE IN ACA-

DEMIA EDINBURGENSI

PROFESSORI CELEBERRIMO,

PATRONO SUO PLURIMUM COLENDO;

OB OPTIMA

IN STUDIIS EXCOLENDIS CONSILIA,

BENEFICIAQUE INNUMERA IN SE COLLATA,

HASCE STUDIORUM PRIMITIAS,

GRATI ANIMI MONUMENTUM,

VOLUIT

BALFOUR RUSSELL.

1874

THE NEW YORK PUBLIC LIBRARY

ASTOR LENOX AND TILDEN FOUNDATIONS

1200 Broadway, New York City

Open from 10 A.M. to 6 P.M. Daily

except on Sundays and Holidays

When closed on Sundays

and on the 1st of January and 4th of July

from 12 M. to 2 P.M.

for the purpose of reading and research

and for the use of the Library

of the City of New York

and of the State of New York

and of the United States

Library of Congress

DISSERTATIO MEDICA

I N A U G U R A L I S,

D E

C U P R O.

DISSERTATIO haecce nostra, de Cupro, omnis in tres partes divisa est; quarum prior continet Cupri historiam naturalem, sive notitiam status varii quo Cuprum in terrae visceribus nativum reperitur. Pars altera tradit Cupri historiam chemicam, hoc est, recenset Cupri, tum in se spectati tum ad alia corpora applicati, qualitates chemia imprimis detegendas. In tertia denique parte, agitur de Cupri historia medica, sive de viribus quas in corpus humanum exerit.

P A R S

P A R S I.

Historia Cupri Naturalis.

CUPRUM plerumque in pyrite fossili notissimo delitescens invenitur. In pyrite illud si non semper, plerumque saltem, primitus generari, et pyriten Cupri mineram propriam, et forte solam esse, ex sequentibus satis verosimile videtur. 1mo, Quod Cuprum in pyritis, frequentius quam in alio quovis statu,prehenditur. 2do, Quod, etsi Cuprum terreis et lapideis variis aliquando immistum videatur, in hisce tamen propius inspectis, pyritarum molecule, passim plerumque et saepe numerosae admodum conspici possunt; et in hisce solis Cuprum contineri, ex methodo postea describenda, qua ex istis Cuprum excoquitur, satis probabile videtur. 3tio, Etsi in quibusdam massis fossilibus Cupro gravidis, pyritarum molecule visum nostrum, utcunque adjutum, omnino effugiant; cum in his tamen per analysin rite institutam, pyritarum partes constituentes, sulphur scilicet, arsenicum et ferrum semper deprehendantur, etiam hic Cuprum pyriti immistum esse, et in ea generatum fuisse, concludere licet. 4to, Denique, quomodo

quomodo Cuprum in pyrite primitus generatum, in alium quemvis quo deprehenditur statum, transferri possit, satis facile explicari potest, non item, quomodo Cuprum alio quovis statu primitus generatum in pyriten demum translatum fuerit.

IN pyrite igitur, si non semper, plerumque saltem, Cuprum primitus generatum esse videtur. Cum tamen in omni pyrite cuprum adesse non constet; in quibus praecipue lateat nunc indagandum.—

IN pyrite Cuprum latere noscitur,

imo, Ex colore. Cum sit flavo-aureus cum levi virore interlucente, et fissuris caeruleis viridibus vel violaceis variegatus; hicce pyritae color praesentiam Cupri semper designat. Sed ex colore flavescente plus minus in pallidam vergente, et omnino pallido existente, de absentia Cupri non licet concludere, cum hic color, plerumque tantum, arsenicum simul magna copia adesse monstrat. Ubi vero color pyritae flavus magis saturatus est, et minus viridescit, plerumque minus, et forte nihil Cupri, ei inesse ostendit.

2do, Ex duritie. Pyrites enim cupreus plerumque tenerior et friabilior existit, et pyrites adeo durus, ut ad chalyben allisus scintillas proferat, Cuprum continens inveniri vix potest; et si inveniri videatur, plerumque a quartzo, aut alio lapide crystallino pyritae immisto, pendet.

3tio, Ex figura. Quae plerumque nulla regularis est, et pyrites quivis figurae cubicae vel alius cujusvis regularis, rarissime Cuprum continere deprehenditur.

4to, Ex deliquescentia, quam aëri expositus pyrites ferreus saepe, Cupreus vix unquam patitur; neque ratio difficilis videtur. Cum enim acidum vitriolicum ferro conjunctum, ab eo facile per aërem humidum auferatur, a Cupro non item; idem forte de sulphure iisdem conjuncto conjicere licet.

Ad pyriten porro cupreum melius dignoscendum, supra dictis jam addi potest, quod pyrites Cupro gravidus plerumque, et tantum non semper, efflorescentias quasdam virides vel caeruleas, tum

in

in ejus superficie, tum intus quoque ejusmodi coloratas particulas passim dispersas exhibet.

IN pyritis igitur speciei utcunque variae (a), notis tamen jam dictis cognoscendis, Cuprum ut videtur primitus generatur. Sed cum hi a salibus quibuscumque facile destruantur et Cuprum suum etiam salibus istis facile cedant, hoc a pyrite in alium statum et formam saepe translatum invenitur. Ita Cuprum ex pyrite ab acido vitriolico solutum, cum eo ab aquis praeterlabentibus defertur ; et saepe ex fontibus quibusdam scaturit. Si vero prius, per varia strata decurrens, aqua vitriolica occurrerit salibus

(a) Cuprum sulphure et ferro mineralisatum, minera colore aureo vel variegato nitente. Waller. Mineralog. Spec. 276.

Cuprum sulphure, arsenico et ferro mineralisatum, minera colore pallide flavo parum nitente. Waller. Spec. 277.

Cuprum sulphure, arsenico et ferro mineralisatum, minera colore ex flavo viridescente. Waller. Spec. 278.

Cuprum arsenico, ferro et argento mineralisatum, minera albescente. Waller. Spec. 275.

Cuprum mineralisatum, minera fractura parum nitente, cinerea, vel nigra, dura. Waller. Spec. 273.

Cuprum sulphure et ferro mineralisatum, minera pyriticosa fulva. Waller. Spec. 274.

Cupri minera fissili lapidi inhaerens figurata. Waller. Spec. 279.

salibus alkalinis, vel terris quibuscumque calcareis, per haec Cuprum ex aqua vitriolica exturbari, et ochrae forma praecipitari necesse esse norunt chemici. Haecce ochra pro natura varia salium quibus forte jungatur, vel viridescit (*b*), vel caerulescit (*c*), et nunc purior per se subsidens, tenerior et friabilis persistat, nunc terreis quibusdam intermixta (*d*), et haud raro concretis lapideis et pyritosis firmiter intertexta (*e*), haec suo colore inficit et ita quidem varia specie ludens deprehenditur.

Si vero denique aqua vitriolica, ut dictum est decurrens, ferrum offenderit, Cuprum per hoc etiam ex aqua, et tum purioris metalli forma praecipitatum fore, norunt itidem omnes. Hinc Cuprum, ut vulgo

(*b*) Cuprum solutum vel corrosum, praecipitatum, viride. Waller. Mineralog. Spec. 269.

(*c*) Cuprum solutum vel corrosum, praecipitatum caeruleum. Waller. Spec. 270.

(*d*) Cupri minera, lapidi molliori vel terrae inherens, vel terrificata. Waller. Spec. 280.

(*e*) Cuprum mineralisatum, minera fractura nitente, fragili. Waller. Spec. 271.

Cuprum mineralisatum, minera fractura obscure nitente, molli. Waller. Spec. 272.

go dicitur, nativum et virgineum, in terra, varia formâ, reconditum reperitur; nunc pulverulentum omnino (*f*); nunc granulis diversae magnitudinis globosis (*g*); nunc figura cubica quasi crySTALLIS (*h*); et haud raro arbusculorum (*i*), foliorum (*k*), vel capillorum (*l*) forma, corporibus variis praesertim crySTALLINIS inhaerens, ex iisdem enascens, et quasi vegetans, reperitur.

JAM itaque Cuprum, utpote in pyrite primitus generatum, in varios, quotquot forte sunt, ejus in terrae visceribus status deduxi; minime tamen inficiandum quosdam auctores esse qui Cuprum virgineum in terra inventum, etiam eo statu primitus generatum fuisse putant, et cum quidem alia metalla, speciatim aurum, saepius et fere semper virgineum reperiatur; neque id a salibus quibuscvis prius corrosum

(*f*) Cuprum purum ex solutione vitrioli praecipitatum. Waller. Spec. 268.

(*g*) Cuprum nativum granulatum. Waller. Spec. 267. Var. 1.

(*h*) Cuprum nativum crySTALLISATUM. Waller. Spec. 267.

(*i*) Cuprum nativum dendroides. Waller. Spec. 267. Variet. 4.

(*k*) Cuprum nativum foliaceum. Wall. Spec. 267. Var. 3.

(*l*) Cuprum nativum capillare. Wall. Spec. 267. Var. 6.

sum fuisse putandum ; Cuprum etiam, statu metalli-
co virgineo dicto, primitus generari potuisse vix
negare audeo, et potius sub iudice hanc litem relin-
quere vellem.

P A R S II.

Historia Cupri Chemica.

CUPRI tractatio prima, quae occurrit, chemica est
illa, qua in mineris suis supra descriptis delitescens
Cuprum ex illis excoquitur, et in forma metalli puri
demum prodit. Hujus ratio, pro natura varia
minerae et matricis, in quibus haeret Cuprum, varia
esse debet.

Si Cupri minera gravitatis specificaе magnae in
matrice terrea vel lapidea leviores haereat, antequam
ex ea Cuprum excoqui tentetur, convenit plerum-
que, comminutis rite omnibus, mineram a matrice
per elutriationem segregari ; sed notandum est Cu-
pri mineras ita per elutriationem rarius segregari
posse.

Si Cupri minera vel ita segregata, vel ut primitus
reperta, ab arsenico et sulphure purior existat, ex
ochra

ochra praecipue constans, et proinde fluxilis satis fuerit ; ex ea facile excoqui potest metallum : si adjectis quae tum fusionem totius promovere, tum metallum corrosum reducere possunt, cum hisce minera idoneo igne fundatur.

Si vero Cupri minera sit pyritosa, sulphure arsenico et ferro multo abundans, et simul matrice lapidea refractaria et non elutriabili firmitus intertexta sit ; oportet hujusmodi mineram prius, vel per se, vel adjectis scoriis quibusdam fluxum adjuvantibus, summo igne adhibito liquefacere, ut a lapideis per eliquationem quodammodo separetur pyrites, qui ita separatus, apud metallurgos lapis Cupri dicitur.

Hicce lapis Cupri dein cum carbonibus per strata invicem interjectis, ustulationibus repetitis exponi debet, donec maxima pars sulphuris et arsenici in eo haerens in auras abigatur, et simul ferri multum cum sulphure sese uniens in scorias abeat. A sulphuris demum arsenici et ferri parte ustulationibus ita liberatus, lapis Cupri inter carbones liquefieri potest, et per ejusmodi liquationes saepius repetitas ex eo tandem excoquitur Cuprum purum.

Dictis jam, breviter licet, quae ad Cupri ex mineris suis excoctionem pertinent ; nunc de Cupri hujus puri dotibus dicendum.

CUPRUM quod etiam Aes, et a chemicis *Venus* dicitur, colore ex fulvo-rubefcente gaudet.

PURISSIMUM gravitatis specificae est ad aquam ut 9. ad 1.

DURITIE, vi cohaerentiae et elasticitate soli ferro cedit, caeteris metallis praestat.

Ex metallis maxime sonorum est.

AURO et argento minus, plumbo, stanno et ferro magis ductile et malleabile existit Cuprum.

IN igne liquefcit Cuprum, sed non nisi post candescentiam, et adhibito igne majore quam ad aliud quodvis metallum, praeter ferrum, opus est.

IN igne detentum in scorias et calcem friabilem admodum abit, quam aes ustum appellant. Hanc exustionem promptius subit Cuprum candescens et non liquatum quam liquefactum.

SUMMO igne adhibito Cupri calx in vitrum abit, non adeo prompte tamen, nisi additis quibusdam aliis vitrescentibus, quae colore viridi vel caeruleo tingit.

UTRUM caeterorum metallorum, ita calces et vitra ex Cupro parata, in statum metallicum denuo reducuntur additione phlogisti cujusvis purioris.

EX Cupro in igne candescente vel liquato plurimum decedit fumi specie, adeo ut auro, argento et ferro magis, stanno vero et plumbo minus volatile sit.

SIMUL ac in igne candescit Cuprum, et quamdiu postea in igne detinetur, flammam ex caeruleo-viridescentem exhibet, vel saltem flammam circumcingentem ejusmodi coloribus tingit.

CUPRO in igne liquefcenti si adjiciatur quam minimum humoris aquei, protinus ex contactu hujus magno fragore diffilit metallum, et summo impetu quaquaversum dispergitur.

IN igne liquatum Cuprum metallicis aliis quibuscunque misceri potest, et pro admistione varia
mutationes

mutationes varias vel ipsum subit, vel in alia inducit.

AURO et argento admistum Cuprum ea duriora et minus ductilia reddit, adeo ut utensilibus variis parandis, et operibus caelandis aptiora fiant.

AURUM et argentum a Cupro admisto revera minus ductilia evadunt; cum tamen eorum ductilitas, dum per se igne liquantur, a contactu sulphurei cujusdam e carbonibus exhalantis facile laedatur, eadem a Cupro admisto sulphureum id absorbente, illibata fervatur.

AB admisto, certa portione, stanno Cuprum pallescit, gravitate specifica augetur, et structurae fit magis aequabilis; hinc ad campanas, tormenta bellica, et specula caustica, aptius evadit.

CUPRUM cum ferro commixtum praebet massam Cupro rigidioram, et coloris pallidioris, sed ferro adhuc magis fusilem.

CUPRUM ab admistis semimetallis quibuscumque quodammodo pallescit, maxime vero ab arsenico ; ab iisdem omnibus etiam fit magis fusile, et minus ductile, et cum a plerisque etiam magis densum fiat, exinde melius polituram admittit.

Ex semimetallis zincum, saepius Cupro admiscetur, tum per caementationem Cupri cum lapide calaminari, tum Cupro liquato adjicendo zincum: et ex hac mistura fit notissimum aurichalcum sive aes flavum, pro varia portione qua invicem miscentur Cuprum et zincum, colore, ductilitate et politura varium, adeo ut diversis nominibus nunc insigniatur.

CUPRUM a mercurio solvi, vel ut vulgo dicitur amalgamari potest, et facillime quidem, si Cuprum acido quovis solutum, ab adjectis ferro vel zinco, praecipitetur supra mercurium, et cum eo simul teratur. Si Cuprum saepius ita cum mercurio commisceatur, et ab eo iterum separetur, fit magis ductile, magis densum, flavescens magis, et ad naturam auri quodammodo accedens.

Cum

Cum jam dictum sit quomodo sese habeat ad alia metallica Cuprum; ut nunc historiam chemicam totam absolvam, quomodo sese habeat ad diversa salia, dicendum est.

SALIBUS quibuscvis, acidis nempe, alkalinis, vel neutris, conjungi potest Cuprum; sed diverso cum diversis effectu.

1. ACIDUM vitriolicum modica aquae copia dilutum, Cuprum, sed non nisi calore adhibito, solvit. Solutio fit caerulea, et in ea rite evaporata, concrescunt coloris caerulei, et figurae rhomboideae crystalli, quae a colore vitriolum caeruleum, vel a metallo vitriolum veneris, vel denique a loco, unde quondam ad nos deferri solitae erant, Vitriolum Romanum dicuntur.

2. IN acido nitroso vel concentrato, vel aqua diluto, satis facile solvitur Cuprum; sed in concentrato fit cum magna effervescentia, exhalantibus copiosis fumis rubris; et solutio coloris amoeneviridis existit. In acido diluto verò satis prompte, et majori copia, minore licet effervescentia, solvitur Cuprum; et praebet liquorem caeruleum, qui
color

color etiam ab aqua, solutioni in acido concentrato affusa, protinus exoritur. Cupri solutio in acido nitri diluto rite tractata praebet crystallos caeruleas, satis firmas, sed tandem in aëre deliquescentes.

Si solutioni Cupri in acido nitroso addatur acidum vitriolicum, protinus cum Cupro conjungitur, et in crystallos concrescit, dum acidum nitrosum inde separatum specie fumi rubri avolat.

NOTANDUM, Cuprum ab acido vitriolico promptius solvi, si simul acidi nitrosi quarta pars adjiciatur.

3. ACIDUM muriaticum, vel concentratum vel dilutum, solvit etiam Cuprum, sed lente tantum, et vix nisi adhibito calore; et solutio facta fusci primum coloris, in viridem demum transit.

ACIDUM muriaticum, Cupro per acidum vitriolicum soluto adjectum, colorem ejus caeruleum in viridem mutat.

AB acidis nitroso et muriatico commistis, sciz. ab aqua regia, prompte solvitur Cuprum colore viridi.

4. Ab acido vegetabili quovis satis prompte solvitur Cuprum, et solutiones rite tractatae praebent crystallos virides, quae omnes sub nomine aeruginis veniunt; sed quae strictius appellatur aerugo paratur praesertim in Gallia australi methodo haecenus minus cognita, nunc vero Commentario Domini de MONTET(*m*), nuper edito, satis bene elucidata.

5. ALKALI fixum, tum vegetabile, tum fossile Cuprum solvit, et solutionem caeruleam exhibet, quae rite tractata crystallos ex caeruleo-pallescentes profert.

6. ALKALI volatile fluidum, concurrente simul aëris actione, satis prompte solvit Cuprum, et praebet solutionem amoene-caeruleam. Solutio hujusmodi bene saturata, et leni calore evaporata, exhibet crystallos, figurâ crystalli vitrioli caerulei prorsus similes, sed parvas et coloris magis saturati.

Cuprum

(*m*) Histoire de L'Academ. Royal des Sciences, année 1752,

Cuprum cum ab alkali volatile solutum fuerit, exinde ab adjecto alkali fixo praecipitatur forma salis ex caeruleo-pallescentis, ex alkali fixo et Cupro constantis, dum simul avolat alkali volatile.

7. A SALIBUS neutris quibuscunque solvitur Cuprum, a nullo autem promptius quam a sale ammoniaco; quae solutio, utpote ad usum medicum praecipue destinata, hic in primis spectanda.

A SALE ammoniaco vulgari, aqua rite diluto, Cuprum solutum praebet solutionem caeruleam, quae tamen per evaporationem, vel crystallisata vel ad siccitatem deducta, salem ex caeruleo-viridescentem exhibet.

A SALE ammoniaco vitriolico, vel, ut vulgo dicitur ammoniaco secreto Glauberi, solvitur etiam Cuprum, et enheiresi debita cum eo in crystallos elegantes caeruleos deduci potest. Hae commode obtinentur, si vitrioli caerulei solutioni in aqua paulatim addatur alkali volatile, donec ab ejus additione nubecula non amplius appareat; tum liquori penitus diaphano existenti, si adjiciatur al-

kohol vini, quantum fufficit ad fegregandam aquam, ilico concrefcunt cryftalli parvae, coloris elegantiffimé-fapphirini (n).

A SALE ammoniaco nitrofo etiam Cuprum folvitur, et cum eo etiam in cryftallos caeruleas in alkohole vini facile folubiles deduci poteft.

CUPRUM a fale ammoniaco vulgari folutum, et ad ficcitatem denuo redactum, fi, in vafe idoneo, calori exponatur, praebet fublimatum flavescens, quod guftu et aliis notis plurimum Cupri ei inefle prodit. Huic fimile omnino videtur efle preparatum illud, quod vulgo Ens Veneris BOYLEI vocatur, nifi quod hic vitriolum caeruleum adhibetur, praebet fublimatum in quo ammoniacum vitriolicum cum Cupro conjungitur, et propter Cuprum majore copia ab ammoniaco ifto elevatum, paulo magis flavescens. Neque guftu neque alia nota praeterquam coloris differunt inter fe haecce fublimata; et invicem collata, nos, de natura Entis Veneris a BOYLEO tantum laudati, diutius ambigere non finunt. Ex fublimato enim cum fale ammoniaco vulgari parato, Cuprum fublimari poffe plane conftat;

(n) Nov. Aët. Natur. curiofor. tom. 1. obfervat. lxxvii.

stat ; et cum sublimatum ex vitriolo caeruleo calcinato paratum, illi, ut expertus sum, omnino simile sit, neque notâ quavis ferrum ei inesse innotescat, non video dubitari posse hoc sublimatum Cuprum contineat necne : Et si quis vires ejus in corpus humanum experiri velit, eas a cujusvis ex ferro parati sublimati viribus multum differre facile percipiet.

DE effectibus salium plerorumque in Cuprum haec nunc sufficiant ; de effectibus oleorum et sulphuris nunc dicendum, et paucis omnino dici potest.

AB oleis forte omnibus Cuprum quodammodo solvitur, et ea, colore viridi vel caeruleo inficit. Cum hoc vero nequaquam ab oleo pendere videatur, sed potius a salinis quibusdam in oleo semper latentibus fiat, ad corporum salinorum effectus in Cuprum referendum est.

DE sulphuris in Cuprum effectu ita perspicue, ut solet, doctus CRAMERUS “ Cuprum, stratifica-
“ tum cum aequali copia sulphuris, igni impositum
“ mediocri,

“mediocri, a sulphure penetratur, et in longe ma-
 “jus volumen intumescit, abitque in obscuram fra-
 “gilem massam: quod ipsum etiam contingit, si
 “Cupro luculenter candenti sulphur superinjecitur:
 “colliquescit enim cum eo in simile compositum,
 “igneque continuato mitiori dehiscit in fuscum
 “pulverem (o).” Hicce pulvis apud plures Æs
 Ustum dicitur.

P A R S III.

Historia Cupri Medica.

A primis temporibus Cuprum in medicina usur-
 patum fuisse videtur; et medicamenta quidem ex eo
 parata, Aes ustum nempe, squamæ aeris, flores aeris
 et aerugo, ab HIPPOCRATE Autore antiquissimo
 memorantur. Ex scriptis etiam Medicorum fere
 omnium, quos vel Grecia vel Roma olim aluit,
 Cuprum in morbis medendis sæpius adhibitum
 fuisse novimus; nec ullo postea sæculo a Medicis
 prorsus neglectum fuisse videtur. Nuperis tem-
 poribus exstiterunt plurimi haud obscuri nominis
 Medici, qui medicamenta quaedam ex Cupro pa-
 rata

(o) Element. art. Docimast. p. 1. §. 169.

rata in magno praetio habuerunt. Postquam quidem Mercurii usus invaluisset, Cupri in ulceribus sanandis usus minus frequens devenit, et usus ejus internus utpote tumultus in corpore haud leves aliquando excitans, a plerisque Medicis, forte nimis cautis, ubique fere jam neglectus est; recte tamen an secus postea disquirendum.

QUORUNDAM cautela et timiditas eo usque pervenit, ut qualitates quasdam in Cupro deleterias et venenosas magnopere reformident; et plures quidem sunt qui a vasorum cupreorum usu in culinis jam adeo frequenti, humani generis sanitatem in periculo maximo versari putant; cum ab iis vasis corrosis metuant ne una cum cibo in iis parato venenum in corpus deferretur. Sunt tamen qui ex altera parte stant, inter quos, doctissimus Dominus ELLER (a) experimentis propriis innixus, neque Cuprum a liquoribus in culina tractatis adeo facile corrosus iri; neque Cuprum corrosus corpori ingestum, tam, quam volunt aliqui, periculosum esse putat. Quoniam haecce disputatio dissertationem nostram multum spectare videtur, in hanc rem disquirere, e re fore duxi. In hunc finem Experimenta aliquot institui, a quibus didi-

ci

(a) Hist. de l'acad. des sciences de Berlin 1757.

ei jusculum ex carne etiam sola confectum, in vase cupreo coctum, et per aliquot postea horas in eo remanens, Cupri corrosi gustum acquisivisse, qui duorum dierum spatio magis magisque manifestus fiebat. Idem tum citius evenit tum magis manifeste, cum in jusculo conficiendo simul cum carne, vegetabile quodvis ex acescentibus adhibitum fuit. Sed in hisce experimentis Cupri copiam solutam tantillam esse inveni, ut non nisi gustu cerni posset. ELLERUM Cuprum, in experimentis suis, rarius solutum invenisse, causa fuisse videtur, quod liquores in vasis cupreis, quamdiu tantum ebullientes essent, detinuit, et mox effudisse, ut examinationi subjicerentur. Quum tamen (quamvis explicatu difficile) cuivis fere notum sit, liquores etiam acidos quamdiu in vasis cupreis ebulliant, sine ulla fere Cupri corrosione detineri posse; iisdem vero ab igne remotis, satis prompte Cuprum solvi. Ad hanc rem cum minus attentus fuisse videtur illustris. ELLERUS, experimenta ejus, ad id quod ipse volebat statuendum; minus valere: Cuprea nempe vasa, corrosioni a liquoribus in culina plerumque tractatis, minus obnoxia esse.

ALIUD porro quod ad rem conficiendum maxime confert, jam dicendum.

PRAETER alkali volatile funt etiam alia Cuprum solventia, alkalina nempe fixa, et falia, ni fallor, quaecunque neutra, quae in Cuprum vix agunt nisi simul concurrente aëris actione, et inde fit ut vasa Cuprea liquoribus quibusdam, pro parte tantum repleta, non videntur corrosa in partibus per liquorem obtectis, et ab aëre munitis, sed tantum in iis ad ipsam marginem liquoris, ubi simul liquor et aër viribus junctis agere possunt. Ita vas Cupreum, cui aqua infusum erat, dum per octo dies operculo bene tectum fuerat, nullum Cupri corrosi indicium praebuit; sed operculo ablato, paulo post, spatio nimirum duorum vel trium dierum, ad marginem liquoris ubique Cuprum aerugine oblitum apparebat. Hinc, quod saepissime compertum, satis facile explicari potest, vasa nimirum cuprea plerisque liquoribus irrorata et madida tantum, promptius multo corrosos esse quam si ab iisdem liquoribus omnino repleta fuissent. Hujusmodi corrosio illa est quae in culina, propter famulorum negligentiam, maxime metuenda est, et ni quidem sedulo praecaveatur,

praecaveatur, exinde certe non obstantibus quae contra dixerit ELLERUS Cuprum corrosum cum cibo tanta copia hominibus ingeri posse, quanta illis noxae multum inferre potest.

Quod ad Domini ELLERI aliorumque sententiam de Cupri effectibus in corpus humanum attinet, an omnino venenatum sit nec ne, haud opus est de natura veneni, vel quid sit proprie venenum, ut nos hic differamus; sufficiat notâsse quicquid magna vi in corpus humanum agit, idem magna copia corpori ingestum saepe pro veneno esse. Ab altera vero parte, iis qui ubique venenum subolfaciunt, dici potest, omnino dubium esse, an datur quid penitus et omnino venenatum; et certe quotidiana experientia compertum habemus, quod multa, uti opium, solanum, mercurius sublimatus corrosivus et arsenicum ipsum, summa vi in corpus agentia, pro remediis tamen optimis non raro fore. Ut denique summatim dicam nil causae est, non tantum quod ex medicamentorum catalago exulet Cuprum, nedum, ut in praxi, quantum hodie fieri solet, adeo negligatur.

His

His igitur praemissis, jam dicendum quae vires medicae vel aliorum vel etiam nostra experientia comprobatae, Cupro inesse videntur.

CUPRUM, sicuti caetera metallica, in corpus humanum, statu suo metallico puro vix agit; et antequam agere possit necesse videtur, ut in salis statum redigatur. Hoc in statu a veteribus, propter vim suam astringentem, extùs tum in medicamentis ad oculorum inflammationes reprimendas, tum ad tumores haemorrhoidales cohibendas, adhibebatur. Ab iis etiam, pro medicamento exsiccante, ulceribus imponebatur. In hujusmodi tamen morbis plus adhuc, et merito quidem, valuit vis Cupri detergens; et eo quidem praecipue usi sunt veteres, ad ulcera quaeque fordida, et quae mali moris essent, repurganda, et ad pus bonum perducenda. Ex mercurio parata, loco Cupri, plerumque quidem, in ulceribus medendis jam substituta sunt; an ubique tamen recte omnino dubitandum est; verosimile enim videtur, dari ulcera quibus promptius Cupro quam mercurio mederi possumus. Ita de Cupri aceto soluti viribus, in ulceribus medendis, loquitur summus in arte vir BOERHAAVIUS, “Ul-

“cera aquosa, laxa, manantia, saniosa, virulenta,
 “hoc liquore attacta, animantur, contrahuntur,
 “siccantur, depurantur (b).” Experientissimus
 etiam HILDANUS, “Æs, inter omnia metalla, vul-
 “neribus agglutinandis accommodissimum esse dix-
 “it (c).” Neque PARACELSI, in ulceribus curan-
 dis multum versati, testimonium negligendum, qui
 Cupri et mercurii, in ulceribus externis omnibus
 sanandis, vires aequales esse posuit.

DE viribus Cupri extrinsecus adhibiti jam satis;
 intus sumpti vis in universum est stimulans vel a-
 stringens, ventriculum prompte irritat, et pro do-
 si majore minoreve nauseam aut vomitum ciet.
 Hinc emeticorum aliorum quorumcunque effectus
 in corpus exerere potest; plures quidem quam qui
 a nobis hic recenseantur.

IN intestina porro delatum Cuprum, acris utpo-
 te stimuli vi pollens, haec irritat, effectus cathar-
 ticus aliis valentioribus communes exerit, et pro
 medicamento hydragogo utilissimo jamdudum cele-
 bratum

(b) Boerhaav. El. Chem. vol. 2. p. 476.

(c) Fabricii Hildani opera, p. 156.

bratum est. Per alvi ductionem, in morbis mendendis, quantum conferre poterit, a Doctissimo PROSPERO ALPINO discimus, qui, in libro suo de Medicina Egyptiorum, ita loquitur: “Plures in-
“veniuntur, qui vel stibium praeparatum, vel aeris infusum, sumpserunt, ut ab antiquis hepatis, lienisque obstructionibus sanarentur, quibus per vomitum et alvum, copiosiori facta evacuatione, pristina sanitas restituta fuit, qui nunquam potuerunt aliis usi medicamentis leviter purgantibus sanari (*d*).”

CUPRUM quidem, uti acriora alia omnia ventriculo et intestinis applicata, spasmos molestos aliquando excitat, quod apud medicos timidos venenatae in eo indolis suspicionem facit, sed immerito: nam hoc Cupro, cum emeticis et catharticis quibuscumque valentioribus commune est.

IN sanguinea vasa delatum Cuprum vim ibi diureticam plerumque exerit. De hoc, cum de solutione aeris in alkali volatile agit, ita commentatus est egregius BOERHAAVIUS: “Hujus ope solius
“sanavi

(*d*) Prosper Alp. de Med. Egyp. lib. iv. cap. 6.

“ sanavi hydropicum, asciticum, consummatum, ex-
 “ citato tantae urinae effluvio, ut, quasi de sy-
 “ phunculo aperto proflueret lotium, et integumen-
 “ ta abdominis exinaniti, complicari possent (e).”

IN eundem scopum apud veteres celebratum fuit, et a quibusdam hodie usurpatum est: Et cum, tum per alvum tum per renes, aquas ducere tantum valet, nihil mirum quod in hydrope medendo ab omni tempore feliciter adhibitum fuit.

Ex metallis, ferrum et plumbum vi astringente egregia, stimulante vero nulla pollent; e contrario, argentum et hydrargyrum, vi stimulante valida, astringente vero nulla donantur, dum aurum et Cuprum utrisque simul dotibus gaudere videntur.

DE virtutibus Cupri quae a vi stimuli pendent, jam satis dictum est; vim ejus astringentem, et proinde roborantem, multum laudatus est egregius Philosophus ROBERTUS BOYLE, et ad laxitatem et flacciditatem infantum rhachiticorum corrigendam feliciter adhibuisse videtur.

VIS

(e) Boerhaav. El. Chem. vol. 2. p. 478.

VIS Cupri antepileptica a medicis saepius memorata est, et pendere videtur etiam a vi astringentia qua laxitas et mobilitas generis nervosi, recursum affectuum spasmodicorum et convulsivorum adeo faventes, bene emendari possint.

AB eadem vi Cupri astringente forte pendet virtus illa anodyna et narcotica a quibusdam celebrata, et speciatim a BOYLEO, in Ente sua Veneris comperta. Nec sulphur illud anodynum vitrioli, quo inveniundo adeo multum infudarunt Chymici, quid aliud esse videtur quam vis Cupri astringentia jam dicta, quae in ferro et plumbo itidem deprehensa, in his etiam aliquando anodyna existat.

VIRTUTES Cupri medicatas jam recensui ; restat ut ex eo praeparata vel composita, in illos usus praecipue feligenda, nunc breviter dicam. Vis stimulans maxima videtur in Cupro ab acidis puris corroso. Ab acido vitriolico, ut in vitriolo caeruleo, vel ab acido vegetabili, ut in aerugine, corrosi Cupri usus creberrimus est ; sed quibusnam horum maxima virtus inest, experientia comperitum non habemus ; nec an tanta vel major sit in
Cupro

Cupro ab acidis nitroso vel muriatico corroso, experimentis adhuc definitivis vix videntur medici.

Vis Cupri astringentia forte in salibus modo memoratis, si modo refracta tantum dosi ingerantur, apprehendi potest; sed ob vim stimulantem quae simul adest, hisce minus tuto fidere possumus; et quoties ad astringendum Cupro uti velimus, cum salibus minus acerbis, neutris nempe, conjunctum, melius adhibere possumus; et ejusmodi medicamentum videtur esse Cuprum cum sale ammoniaco unitum, ut in Ente Veneris BOYLEI.

DE medicamento ex Cupro parato maxime considerando loquitur clarissimus VAN SWEITEN (*d*); cujus tamen praeparatio non descripta est, et illustri viro innotuisse non videtur. Ut indagarem, aliquot experimenta feci, hactenus quidem sine successu optato; unum tamen experimentum quod feci hic reticere nolim.

CUPRUM, methodo supra indicata (*e*), cum sale ammoniaco vitriolico conjunxi, hujus grana pau-
ca

(*d*) Comment. in Aph. vol. iii. p. 438.

(*e*) p. 17.

ca Faeminae innuptae viginti trium annorum, quae jam per octo annos epilepsia laborâssêt, quavis nocte dormiturae, dedi. A grano uno vel altero ingesto nihil sensit; a tribus autem granis simul ingestis, de nausea quadam exinde mota conquesta est; dosis eadem per diem unam aut alteram repetita non amplius nauseam movebat; et tum dosin aliquantulum augebam, et ita augere pergebam, donec ab octo granis vomitum excitatum deprehendi. In dosi granorum novem, cui paulatim assuefacta fuerat aegra, exhibenda per tres vel quatuor dies perstiti, et postea in hunc diem usque medicamentum prorsus omissum est. A tempore quo primum in Nosocomio venerat ægra, ad id quo nostro medicamento uti inceperat, jam sex menses et paulo plus elapsi erant, et toto illo tempore vix effluxerunt quatuor vel quinque septimanæ, quin paroxysmum epilepticum passa est; sed a tempore quo medicamentum sumere inceperat, in hunc diem, jam elapsæ sunt decem septimanæ, sine minimo quovis insultu epileptico, et ad omnia quidem sana est, nisi quod catamenia in fæmina tantæ ætatis nondum prodierunt.

